

Broj: 532/23

Sarajevo, 14.11.2023. godine

PREDMET: Zahtjev za dostavu ponuda za nabavku i isporuku pčelarskih procesnih mašina

Poštovani ponuđači,

Nevladina organizacija Muslim Aid Association poziva ponuđače da dostave svoju ponudu za nabavku i isporuku mašina za pčelarstvo za potrebe projekata za 2023. i 2024. godinu, a u skladu sa tehničkom specifikacijom koja je data u nastavku ovoga zahtjeva.

1. Predmet poziva

- 1.1. Pozivom se obavlja izbor najpovoljnijeg dobavljača za nabavku i isporuku pčelarskih mašina za potrebe projekata u 2023. i 2024. godini,
- 1.2. Javni poziv je raspisan u tri LOT-a koji se odnose na područja aplikacije projekta: Jablanica, Zenica i Vlasenica,
- 1.3. Rok nabavke i isporuke pčelarskih mašina je mjesec januar 2024. godine,
- 1.4. Mjesto isporuke je područje BiH, gradovi gore navedeni. Kupac će naknadno dostaviti tačne lokacije/adrese odabranih korisnika projekta za isporuku pčelarskih procesnih mašina. Lokacije naknadno mogu biti korigovane o čemu će dobavljač biti obaviješten,
- 1.5. Rok važenja ponude je 30 dana od dana podnošenja ponude za nabavku i isporuku mašina za pčelarstvo.

2. Tehnička specifikacija

Ponuđač je dužan da dostavi ponudu za mašine za pčelarstvo koje imaju sljedeće karakteristike:

1. Mašina za proizvodnju satnih osnova sa duplikatorom sa sljedećom specifikacijom:

- Mašina za proizvodnju satnih osnova od voska mora da radi na principu tzv. "hladnog" prešanja voska,
- Mašina za proizvodnju satnih osnova treba da se sastoji od sljedećih komponenti:
 - Posude za vosak sa duplim dnom, grijačima i regulacijom temperature u kapacitetu od najmanje 50 litara,
 - Valjka za izradu beskonačne voštane trake,
 - Posude za vodu za pripremu voštane trake za graviranje na valjku,
 - Valjaka za graviranje osnova ćelije,
 - Noževa za širinsko formiranje trake,
 - Noževa za dužinsko formiranje trake u satne osnove,
 - Upravljačkog pulta u komandnoj kutiji,
 - Duplikatora od min. 200 litara.

Karakteristike koje dijelovi mašine za proizvodnju satnih osnova moraju da zadovolje su:

- Projektovani kapacitet mašine je 20-30 kg satne osnove na sat,

- Dimenzije saća koje utiskuje valjak na satnoj osnovi moraju biti 5,37 mm,
- Gravirajući valjci trebaju biti širine 310 mm i prečnika 70 mm sa regulacijom brzine preko frekventnog kontrolera,
- Valjak za izradu beskonačne trake mora da pokreće motor preko reduktora i mora da ima sistem hlađenja na vodenoj bazi sa regulacijom brzine okretanja,
- Regulacija dužinskog sječenja mora biti mehanička preko izmjene zupčanika,
- Regulacija širinskog sječenja mora biti mehanička u u rasponu 10-300 mm,
- Regulacija temperature voska mora biti u rasponu 0-150 °C,
- Integrisana snaga električne energije mašine je 12 kw,
- Duplikator mora biti opremljen digitalnom termoregulacijom u rasponu 0-150 °C bez motora formiran na platformi iznad mašine sa inoxom u unutrašnjem zidu u formi kiselo otpornog-antimagnetnog u kvalitetu AISI304. Duplikator mora imati system za separaciju nečistoća od čistog voska sa izolacijom. Duplikator mora biti konstruisan da omogućava neometano stavljanje medija u njega kao i njegovo isticanje bez zaostataka.

Potrebna količina je 1 komad.

2. Mašina za proizvodnju šećernih pogača sljedećih karakteristika.

- Mašina u obliku linije za proizvodnju šećernih pogača mora se sastojati od sljedećih dijelova sa pripadajućim karakteristikama:
 1. Duplikatora sa mješačem zapremina minimalno 200 litara,
 - Duplikator mora biti u konstrukciji izvedbi posude sa 3 zida i sa termoizolacijom sa mjerenjem i regulacijom temperature u 2 tačke i vremenskim relejem za diskontinuirani rad,
 - Duplikator mora biti opremljen digitalnom termoregulacijom u rasponu 0-150°C sa materijom izrade od Inoxa u u formi kiselo otpornog-antimagnetnog u kvalitetu AISI304,
 - Duplikator mora biti opremljen mješačem koji omogućava mješanje medija u horizontalnoj i vertikalnoj ravni,
 - Duplikator mora biti konstruisan da omogućava neometano stavljanje medija u njega kao i njegovo isticanje bez zaostataka,
 - Duplikator mora biti prilagođen za enzimsko ivertovanje šećera.
 2. Mješača za pogače zapremine minimalno 100 litara sljedećih karakteristika:
 - Postoje mora biti izrađeno od inoxa i na njega montorani svi ostali dijelovi,
 - Posuda sa duplim zidom i grijačem snage 6 kW u njemu za horizontalno miješanje i prihvatanje medija u zapremini od 100 litara sa automatskim dozerom u kesice,
 - Motor mješača mora biti snage minimalno 3kW sa reduktorom na 30o/min.
 - Na dnu mješača mora da se nalazi spiralni dozator koji prihvata masu pogače i transportuje je do automatskog dozera.
 3. Mlin za šećer sljedećih karakteristika:
 - Minimalni pakacitet mlin je 300 kg šećera u prahu na sat,
 - Mlin je turbinskog tipa rada,
 - Granulacija sita je 0,5mm

- Mlin mora da svojim dizajnom i izvedbom obezbjedi da ne dolazi do zagrijavanja šećera i njegovog lijepljenja za zidove.
4. Ravnalica za ravnanje pogača sa varilicom sljedećih karakteristika:
- Varilica radi na pneumatski pogon sa nožnim starterom,
 - Mora da sadrži vremenski relej koji reguliše period hlađenja vara kesice,
 - Prečnik valjaka za ravnanje mora biti minimalno 200mm,
 - Valjci za ravnanje moraju omogućavati njihovo pomjeranje i štimanje prema potrebama,
 - Kompaktne izcedbe koja omogućava da se na jednom mjestu nalazi i varilica i ravnalica.

Potrebna količina je 2 komada.

Napomena: Svi dijelovi koji dolaze u dodir sa šećerom ili voskom moraju da budu izrađeni od antimagnetnog kiselootpornog inoxa u oznaci AISI304. Ponuđač za gore navedne mašine mora da obezbjedi garanciju u roku od najmanje 12 mjeseci kao i ovlašteni servis istih. Za navedene mašine ponuđač je dužan da obezbijedi izradu, transport do mjesta primjene, edukaciju radnika i puštanje u rad. Pored toga, ponuđač je dužan da obezbijedi podršku i savjetovanje za rad na navedenim mašinama u trajanju od najmanje 12 mjeseci od dana održavanja edukacije za radnike. Muslim Aid Association će prije odabira dobavljača zahtjevati od istih prezentaciju mašina uz detaljno objašnjenje njihovog rada.

3. Priprema i dostavljanje ponuda

- a. Ponuđači snose sve troškove vezane za pripremu i dostavljanje njihovih ponuda. Kupac nije odgovoran snositi niti jedan dio troškova pripreme i dostavljanja ponuda. Ponude se podnose za sve 3 procesne mašine skupa i ne mogu se podnositi za pojedinačne procesne mašine.
- b. Prilikom pripreme ponude ponuđač se mora pridržavati uslova i teksta javnog poziva. Ponuđač ne smije mjenjati ili nadopunjavati tekst tenderske dokumentacije. Ponuda mora da čini cjelinu isprintanu na format papira A4. Cjelokupan sadržaj ponude mora biti uvezan na način da se onemogućí naknadno vađenje ili umetanje sadržaja. Cijeli tekst koji sadrži ponuda mora biti jasan i vidljiv. Ponuđači su dužni dostaviti original dokumente ili kopije. Sve kopije dokumenata moraju biti ovjerene kod nadležnog organa uprave. Datum ovjere ne smije biti stariji od dana objavljivanja javnog poziva za izbor najpovoljnijeg dobavljača pčelarskih mašina. Sve stranice moraju biti numerisane na način da je vidljiv redni broj strane ili lista.
- c. Ponuda koju dostavljaju ponuđači mora sadržavati najmanje:
 - a) Prijava dobavljača na javni poziv,
 - b) Porezni i identifikacijski broj poslovnog subjekta,
 - c) Rješenja o upisu u sudski registar ili aktuelni izvod iz sudskog registra ili drugi odgovarajući dokument iz kojeg je vidljivo da je registrovan za obavljanje tražene djelatnosti,
 - d) Izjavu o podobnosti (pečat i potpis odgovornog lica),
 - e) Potvrda da ponuđaču ili odgovornoj osobi nije izrečena presuda za krivična djela,
 - f) Potvrda da ponuđač nije pod stečajem, niti je predmet stečajnog postupka,
 - g) Potvrda da ponuđač nema obaveza prema poreskoj evidenciji,
 - h) Bilans stanja, bilans uspjeha za 2022. godinu,

- i) Dosadašnje reference u oblasti nabavke i isporuke mašinu u pčelarstvu i ostale procesne opreme,
 - j) Reference prethodnih kupaca ponuđenih mašina,
 - k) Atesti i certifikati za mašine,
 - l) Izjava da ponuda važi za 2023. i 2024. godinu,
 - m) Dodatne pogodnosti koje nudi dobavljač.
- d. Ponuda se dostavlja u originalu. Koverta sa ponudom se dostavlja na adresu:
Nevladina organizacija „Muslim Aid Association“
Koševo 10, 71000 Sarajevo, BiH
Sa naznakom „Ponuda za nabavku i isporuku pčelarskih mašina za 2023. i 2024. godinu“
Na koverti mora biti naznačen naziv i adresa ponuđača ponude.
- e. Dopune i izmjene ponude
- Ponuđači mogu izmjeniti ili dopuniti svoje ponude prije isteka roka za dostavljanjem ponuda. Izmjene i dopune se dostavljaju na isti način kao i osnovna ponuda sa obaveznom naznakom da se radi o izmjeni ili dopuni ponude. Ponuđač može u istom roku odustati od svoje ponude na način što će dostaviti pisanu izjavu o odustajanju na javnom pozivu.
- f. Odredbe koje se odnose na grupu ponuđača
- Grupa ponuđača je dva ili više privrednih subjekata, kao ponuđača, koji su dostavili zajedničku ponudu. Ponuda mora sadržavati podatke o svakom članu grupe ponuđača pojedinačno kako je navedeno u članu 3.3. Ponuda grupe ponuđača mora sadržavati podatke o tome koji član grupe ponuđača je nosilac ponude/predstavnik grupe ponuđača. Članovi grupe ponuđača su dužni u obliku pravnog akta dostaviti zajedničku ponudu koja mora sadržavati naziv nosioca ponude, odgovornost pojedinačno svakog člana iz zajedničke ponude i udio svakog člana u zajedničkoj ponudi. Ponuđač koji je samostalno podnio ponudu ne može biti član grupe ponuđača u istom postupku javne nabavke. Grupa ponuđača odgovara za svoje obaveze.
- g. Rok za dostavljanje ponuda
- Rok za dostavljanje ponuda je 05.12.2023. godine do 15:00 sati. . Otvaranje ponuda izvršit će se nakon isteka roka za dostavljanje ponuda. Komisija za sprovođenje poziva za ponudu će sve prispjele ponude provjeriti i analizirati, te o najpovoljnijoj izabranoj ponudi obavijestiti sve učesnike koji dostave svoje ponude.
- h. Kriterij dodjele ugovora
- Ugovor o kupovini i isporuci pčelarskih mašina će biti dodjeljen ponuđaču koji zadovolji najoptimalniji odnos između ponuđene robe i cijene iste. **Vrlo važan parametar prilikom odabira ponuđača biti će i referens lista dosadašnjih radova na ovome području i području nabavke i puštanja u rad procesne opreme kao i reference prethodnih kupaca mašina koje nudi ponuđač. Kriterij za odabir ponude neće biti zasnovan isključivo na parametru koji se tiče ponuđene cijene.**

Nakon toga ponuđači će biti obavješteni o odluci kupca i rezultatu javnog poziva za nabavku i isporuku pčelarskih mašina najkasnije do 08.12.2023. godine do 15.00 sati. Svi ponuđači biti će obaviješteni putem pošte. Sa odabranim ponuđačem kupac će potpisati Ugovor za nabavku i isporuku pčelarskih mašina za 2023. i 2024. godinu.